



天津交通銀行同
人俱樂部圖書室

左文襄公奏稿卷三

起同治元年壬戌九月訖十二月

目錄

攻勦龍游湯溪蘭谿逾賊連勝克復壽昌縣城及各要隘摺
請以秦如虎署理浙江提督片

請 敕副將崇志赴營并管解戰馬來浙片

浙江藩司蔣益澧請以到衢之日作爲到任日期片

知府志勳遇盜被害容再查明片

道員助捐請 旨議敘片

赴口買馬請免稅片

失事弁兵毋許收伍片

奏稿卷三日錄

查參府縣二員摺

偏攻龍游湯溪縣城賊壘情形摺

發給勒伯勒東劄憑片

已革道員暫緩鞫問片

派兵駐防歙休地方片

攻勦嚴州克復郡城摺

請 敕部續發米捐執照片

附陳賊情并監放炸礮片

會剿竄徽之賊克復績溪祁門兩城摺

請緩辦浙省例應題咨公牘片

國史館藏
天祿閣藏
書目錄
卷之三
目錄

圍攻龍游湯溪兩城截勦金華蘭谿援賊情形摺

定海兵圍會同輪船搜捕海盜情形片

查明乍浦副都統闔門殉難情形摺

請將殉難知縣 賜卹片

請將陣亡參將 賜卹片

查明失事可原各員懇請免罪畱營摺

懇准已革總兵畱營差遣片

奏稿卷三目錄

九月初九
日會銜

攻勦龍游湯溪蘭谿逆賊連勝克復壽昌縣城及各要隘摺

同治元年

奏爲官軍攻勦龍游湯溪蘭谿逆賊連獲大勝并攻克壽昌縣城及各要隘情形恭摺奏祈

聖鑒事竊臣於七月十六二十四等日將蘭谿縣屬油埠太平祝家踞逆擊敗後逆首李世賢堅匿不出妄意官軍方力攻北路南路之備必虛曠龍游城內賊酋逃天義陳廷香勘天義李國羣等於八月十五十九等日撲犯城西圭塘山署衢州鎮總兵劉培元等營壘均經劉培元等擊退屢有擒斬二十九日龍游城賊萬餘撲近圭塘山劉培元與副將睦金城等整隊迎敵總兵崔大光潛

奏稿卷三

由北岸渡河衝賊陣之背賊駭而奔劉培元率各營乘勝壓擊追至城邊燒賊卡一座適睦金城楊和貴張人和王樹棠大隊齊至賊繞城而走我軍由西門追至南門斃悍賊二百餘名城上矢石雨下我軍仰攻逾時始收隊還三十日逆首李世賢遣巨目忠裨朝將李尙揚及樓天義吳明順昆天義張逆等由蘭谿永昌鎮湯溪湖鎮率悍賊五六萬人分三路來撲劉培元營壘城賊於西門北門列隊牽制我師上下重疊排列十餘里賊勢甚張劉培元飭各營鎮靜以待一面飛報臣立派親兵并劉榮合賴錫光精捷兩營馬德順馬隊一營馳往令劉璈率所部伏於河邊林內令崔大光嚴扼下游防賊偷渡布置甫定中路之賊挑騎賊數十步賊數

千撲近劉培元營外濠邊劉榮合賴錫光率所部從左路繞出中路大呼殺入槍礮齊施刀矛并進賴錫光骸中礮傷猶裹創力戰賊勢不支劉培元飭各營空壁而出楊昌濬等率親兵繼至從山坡壓下將士無不踴躍爭先以一當百中路之賊由左路敗走楊和貴張人和復率所部從左路邀之馬德順率馬隊從兩旁抄擊該逆大敗狂奔拋棄旂幟器械無數右路之賊見中路賊敗仍蜂擁而來適江西撫臣所派會剿之屈蟠王德榜兩軍從右馳至中路官軍會合併力痛擊鏖戰兩時斃龍旂賊目十餘名賊復潰走我軍三路縱擊斃賊千數百名生擒百餘名陣斬樓天義吳明順及泗天福邱逆偽檢點黃逆偽指揮吳逆偽統制李逆等賊目數

奏稿卷三

二

十名奪獲龍旂百餘杆槍礮器械千餘件其伏於西門之賊經駐金城王樹棠擊退北門河邊之賊經劉璈崔大光擊退亦斬殺百餘名此八月二十九三十兩日剿龍游南路援賊克獲全勝之實在情形也賊不得逞於南路復糾巨股萬餘人由蘭谿永昌鎮竄踞壽昌縣城另分悍黨由壽昌出上方嶺臣以該處地勢緊接遂安西可以竄開化常山南可以竄衢州非將此股殄滅則南路各軍既爲城賊所牽制而衢州西北一帶亦在在堪虞適新授藩司蔣益澧前隊記名總兵高連陞帶所部甫抵衢州臣卽飭其由雲溪進駐蘭谿之高園與劉典合圖裘家堰太平祝家之賊閏八月初六日蔣益澧率全軍行抵衢州分遣副將熊建益所部三千人

往扼上方嶺一路總兵高連陞所部三千人由梅嶺往攻壽昌縣城閏八月十三日高連陞行至距壽昌縣城八里地方紮營自率馬隊至城邊察看地勢賊見官軍猝至擁眾出城直撲營壘高連陞分副湘前左兩營由左路進副湘右後兩營由右路進自率正湘左營由中路進鏖戰三時賊屢卻屢前官軍三路齊進呼聲震天立斃先鋒悍賊數十名賊遂倉皇遁走走追至城邊乘勢殺入復斃悍賊數百名餘賊由南門奪路而走復追殺十餘里遂將壽昌縣城克復臣得報後卽密飭蔣益澧劉典由蘭谿西鄉共圖侍逆所踞太平祝家老巢侍逆聞壽昌被官軍攻克恐官軍由上方嶺出襲其後十四夜竄赴裘家堰結七大壘背河而陣及蔣益澧率

奏稿卷三

三

所部馳至僅斬落後滿髮悍賊數十名隨與劉典督率各營躡蹤追至距賊巢二三里紮營約期十八日會剿劉典率各營先進鏖戰逾時賊穩踞堅壘猝不可拔蔣益澧率大隊急進合圍二壘高連陞與所部副湘四營首先踰濠而入連破中路賊大壘二座壘中之賊盡殲僅數賊得脫而已劉典飭擬保知府朱明亮與副將劉清亮奮攻第三壘破之共斃悍賊一千數百名陣斬元天福萬興仁聿天福劉茂林等賊目多名生擒蓋天福王得勝等二百餘名拔出難民數千餘逆宵渡而竄溺斃者不計其數奪獲偽印百餘顆旂幟數百面槍礮軍械無算此攻克壽昌縣城肅清蘭谿西路之實在情形也蘭西肅清後賊之屯踞於南岸羅埠湖鎮五星

街等處者仍不下數萬眾而其地適當龍游湯溪之衝爲賊所必爭臣隨飭蔣益澧全軍渡河節節攻剿劉典一軍仍駐油埠爲蔣益澧後路聲援正布置閒適羅埠踞逆僞王宗戎天義李世祥遣人詣蔣益澧軍前乞降蔣益澧密飭李世祥相機內應二十六夜率各營偃旂息鼓疾起乘之平明行近賊壘號礮一聲官軍由外殺入李世祥率黨千餘由壘中殺出各賊猝不及防棄壘狂竄官軍乘勝追殺斃賊七八百名生擒三百餘名將賊壘五座一律踏毀湖鎮之賊亦於二十七夜聞風而遁劉典與副將熊建益各營追至僅斬尾賊數十名是日龍游之賊正運糧至五星街總兵崔大光偕李世顏邢得率各營潛由北岸涉淺而過出賊不意擊之

奏稿卷三

四

將五星街賊壘踏毀殺悍賊五六百名此攻奪龍游湯溪各要隘之實在情形也龍游踞逆經南路各軍於閏八月二十二二十九等日奮力攻擊該逆堅匿不出其城壘均占地勢難以力攻臣於九月初二日移紮距龍游城五里之新涼亭飭各營修築長濠移營偪之飭蔣益澧一軍由羅埠進攻湯溪飭劉典一軍暫紮油埠湖鎮以防蘭谿金華援賊九月初一日湯溪踞逆見官軍偪近擁眾出城直撲高連陞熊建益營壘經高連陞熊建益率所部擊敗斃賊數百名傷者不計其數初二日蔣益澧率隊攻湯溪北門高連陞率隊攻湯溪東門劉典會師攻湯溪西門圍城數日槍礮連施城賊穴牆開礮抵拒官軍踰濠肉薄城下前者被創後者復進

持至暮始收隊還初三初五等日誘賊出戰痛剿兩次復斃悍賊數百名而官軍連日陣亡者三十餘帶傷者三百餘蓋亦血戰矣搜獲賊中告急偽文龍游湯溪之賊皆勢窮力屈求援於金華守賊并求侍逆迅速回援而龍游湯溪赴金華之路自羅埠湖鎮五星街等處要隘經官軍攻克後道路隔絕城賊之勢已孤督臣耆齡復派知府康國器率粵勇三營至湯溪會剿兵力益厚惟兩城之賊附城築壘堅固異常恐未免曠日持久致滯戎機據投誠李世祥供稱侍逆李世賢由太平祝家竄赴裘家堰之時擬乘閒從分水桐廬竄回溧陽護其眷屬然後由溧陽回援金陵畱偽朝將李尙揚李泳旺偽王宗李遇茂剿天義劉政宏遜天義陳廷香勦

奏稿卷三

五

天義李國羣等率悍黨十餘萬分守金華龍游湯溪等處城壘以阻我師若將此數兇殄滅以下堅城當亦不難迎刃而解臣惟當督同劉培元蔣益澧劉典迅以圖之軍中搜獲李世賢偽文諄囑諸賊死守龍游湯溪金華四十日卽行折回并言逆眷在溧陽爲各僞王欺陵不能不急回料理之狀查賊中僞王可數者共三十餘惟僞忠王李秀成僞章王林紹璋與李世賢尙稱投合餘則彼此猜疑勢不相下金陵逆首洪秀全之兄僞勇王洪仁達尤爲各賊所恨似從前楊韋兩逆互相吞噬之事不久必將復見而李秀成曠各賊圖犯皖南意在緩浙軍之攻而抄浙軍之後其謀甚狡臣擬俟龍游湯溪攻克緩攻金華急攻嚴州相機辦理以圖共掃

狂氛此後軍行分合進止蓋難預定臣惟有隨時與會國藩熟審大局機宜期於共濟所有連獲勝仗情形謹會同協辦大學士兩江總督臣曾國藩閩浙總督臣耆齡據實馳奏伏乞

皇上聖鑒訓示施行謹 奏

同治元年九月二十四日內閣奉

上諭左宗棠奏官軍勦辦龍游等處逆賊獲勝并攻克壽昌縣城一摺蘭谿踞逆經官軍擊敗後逆首李世賢復嗾令龍游城內逆賊遴天義陳廷香等連日撲犯城西圭塘山總兵劉培元等營壘均經官軍擊退屢有斬擒劉培元等乘勝追至城邊燒毀賊卡一座殺斃悍賊二百餘名八月三十日李世賢由蘭谿永昌鎮等處

奏稿卷三

六

率悍賊五六萬人分路來撲經左宗棠派隊設伏分途馳勦鏖戰兩時之久逆賊奪路狂奔官兵會合併力縱擊殺斃及生擒賊目多名閏八月初六日總兵高連陞率隊進攻壽昌直偪城下賊眾出城迎拒官軍三路齊進呼聲震天賊勢披靡官軍乘勝殺入城中餘賊由南門奪路逃竄當將壽昌縣城克復侍逆竄赴裘家堰背河結壘蔣益澧等督隊攻拔賊壘多座盡殲壘中之賊餘賊渡河宵竄蘭谿西路肅清其南岸羅埠湖鎮五星街等處賊壘亦經劉典等督軍攻毀斃賊多名攻奪要隘多處官軍修築長濠移營近偪龍游其湯溪踞匪并經官軍連日圍攻誘賊出戰殲斃甚多勦辦甚爲得手著左宗棠迅即乘此聲威督飭各軍合力進勦將

龍游湯溪等處踞匪次第埽盪勿畱餘孽欽此

奏稿卷三

七

請以秦如虎署理浙江提督片

同治元年九月初九日

再正拜摺間適接甯紹台道史致諤稟該員於八月二十五日到任隨接探報慈谿縣城失守縣丞薛世奎被害副將華爾激於忠憤率所部進攻於二十七日卯刻立將縣城克復華爾受傷次日身故其嶧縣新昌之賊於二十七日竄攻奉化縣之陳公嶺二十八日奉化縣城被陷史致諤督同中外各軍固守甯波府城一切情形已就近馳稟署江蘇撫臣李鴻章諒已奏報臣維甯波一府遠在海澨中隔賊氛雖藉外國兵力暫保孤城主弱客強終非長久之計而彼中兵事冗雜每月糜餉至八萬餘兩之多入不敷出又正當廣勇與外國兵頭構衅之時誠恐外侮內訌相乘而起致有疏失前次欽奉

奏稿卷三

八

諭旨敕臣派軍赴甯波防守臣原擬俟新軍到齊酌派一軍取道温台前往業經覆奏茲聞僞忠王李秀成及各大股賊匪分撲金陵大營及皖南意圖竄入江西以緩浙軍之攻而抄浙軍之後臣軍應隨時相機調撥兵力苦單勢難分赴甯波查護浙江提督陳世章失事獲咎新任提臣鮑超見在皖南其員缺前經慶端奏委葉炳忠護理應卽催令迅赴甯波以重職守臣已咨商督臣耆齡尙未准其咨覆繼思葉炳忠卽由台郡赴甯波部曲無多恐難得力見在温處台三郡漸就肅清雖有零星賊匪竄擾邊界并非喫緊記名提督秦如虎本係宿將所部在閩粵各軍中尙稱能戰近

因攻處城會受微傷回溫調治而所部見赴台州由台州赴甯波路甚近捷若蒙

恩旨令其署理浙江提督迅帶所部由奉化赴甯波較之葉炳忠更期得力而甯波必可無虞臣見已咨商者齡矣可否請旨以記名提督秦如虎署理浙江提督迅帶所部赴甯波之處伏候

皇上訓示施行謹 奏

同治元年九月二十四日內閣奉

上諭浙江提督著秦如虎署理欽此

請 敕副將崇志赴營并管解戰馬來浙片

同治元年九月初九日

再前署衢州鎮總兵福建延平協副將崇志本年四月閒丁父憂回旂守制時臣駐軍開化未及接見聞該員操守廉謹血性過人質地實堪造就惟未曾經歷戰事未知臨陣何如可否請旨敕令該員前赴臣軍學習戰事并請

敕調口外騰壯戰馬二百匹交該員崇志管解來浙由臣軍挑選勇丁操習馬隊以利攻勦是否有當伏候

訓示施行謹 奏

議政王軍機大臣奉

旨另有旨欽此

奏稿卷三

十

議政王軍機大臣字寄同治元年九月二十四日奉

上諭左宗棠奏官軍攻剿龍游湯溪蘭谿逆賊疊獲大勝攻克壽昌縣城及各要隘情形并請將秦如虎署理浙江提督等各摺片本日業將龍游等處獲勝及克復壽昌縣城明降諭旨宣示矣逆首李世賢等率其醜類堅踞龍游湯溪蘭谿各城并遣悍賊攻撲總兵劉培元等營壘經左宗棠督飭各軍痛加剿擊破賊龍游南路之援蔣益澧之軍甫到即能率其前部高連陞等軍攻拔壽昌并會合劉典之兵破賊裘家堰及羅埠湖鎮五星街等賊壘均係龍游湯溪蘭谿要隘各城之賊其勢已窮所辦甚合機宜侍逆李世賢雖畱悍賊李尙揚等死守金華龍游等城壘該撫督同劉培

奏稿卷三

七

元蔣益澧劉典等軍乘銳進攻將此數兇殄滅以下堅城節節進剿自當所到迎刃而解浙江軍情漸覺有緒左宗棠見擬俟龍游湯溪攻克緩攻金華急攻嚴州緩急之間自必權衡至審惟摺內有李世賢將由分水桐廬竄回溧陽護其眷屬然後由溧陽回援金陵之語金陵逆援甚眾疊經會國藩及都興阿等奏聞節次諭令會國藩督飭會國荃等竭力固守先保已成之功再圖進取昨據會國藩奏徽甯軍情亦甚緊要已與左宗棠商調蔣益澧一軍馳赴皖南接辦甯國軍務即可抽出鮑超一軍馳援金陵刻下浙省軍務得蔣益澧之軍助剿正當得手此軍若已調赴皖南則浙軍未免又虞單薄前據耆齡奏飭令林文察率所部六千赴龍游

會勦本日左宗棠摺內稱耆齡復派知府康國器率粵勇三營至湯溪卽著左宗棠迅卽催提并耆齡嚴飭各軍星速前往趁此龍游湯溪踞賊與金陵援賊道路斷絕迅將龍游湯溪合力攻克以成破竹之勢李世賢竄往溧陽能否派兵乘閒邀截俾不得與忠逆合救金陵致會國荃之軍更形喫重諒會國藩與左宗棠隨事商略定能籌及也李世賢逆眷旣在溧陽爲羣逆所欺不能不急回料理該逆僞文所述斷非無因是賊中羣醜互相猜嫌其勢已成逆首洪秀全之兄洪仁達尤爲各賊所恨從前楊韋兩逆交相吞噬之事必將復見如其有隙可乘該大臣督撫等諒亦必能用閒出奇隨機應變江浙各營疫氣是否全消并著隨時具奏以

奏稿卷三

三

慰馳系秦如虎已有旨署理浙江提督卽著左宗棠飭令由台州奉化速赴甯波防守另片奏請調戰馬及崇志赴營等語業經寄諭慶昫等於察哈爾選調馬二百匹派員解赴該撫軍營并已有旨令丁憂副將崇志卽赴浙江軍營聽候差遣將此由六百里諭令知之欽此

浙江藩司蔣益澧請以到衢之日作爲到任日期片

同治元年九月初九日

再新任藩司蔣益澧於同治元年閏八月初六日帶所部行抵衢州初八日單騎赴營稟到與臣商酌兵事後卽赴北路辦賊屢獲勝仗見在偏攻湯溪縣城軍務方殷師行靡定所有藩司本任事務較繁未能兼顧應請仍交按察使銜署杭嘉湖道蘇式敬代爲辦理俾得專心討賊以速戎機見在杭城未復該藩司無任可到可否卽以到衢之日作爲到任日期理合附片陳明伏乞

皇上聖鑒訓示謹 奏

議政王軍機大臣奉

旨依議欽此

奏稿卷三

三

知府志勳遇盜被害容再查明片

同治元年九月初九日

再據署玉環廳同知白讓卿稟稱前署溫處道正任溫州府知府志勳卸事後奉調進省於上年十二月初九日行至黃坎門洋面遇盜搶劫推跌落海身死業經獲犯四名訊明正法等語惟核其稟內所稱各情頗多含混除將該署廳先行撤任飭溫處道支方廉查明此案實在情形稟覆再另行參辦至溫州府知府志勳在洋遇盜身死係上年杭州失陷後事前督臣慶端會否具奏曾經咨查未據移覆理合附片補陳再查溫州府係部選之缺浙省見有應補人員容再遴員請補合併聲明伏乞

皇上聖鑒施行謹 奏

奏稿卷三

四

同治元年九月二十四日內閣奉

上諭左宗棠奏廳員稟報知府遇盜被害情形不實等語據奏署玉環同知白讓卿稟稱前署溫處道溫州府知府志勳卸事後奉調進省於上年十二月初九日行至黃坎門洋面遇盜搶劫推跌落海身死雖據白讓卿獲犯四名訊明正法而所稟各情語多含混業經該撫先行撤任著卽將志勳遇盜被害情形迅速查明據實具奏餘著照所擬辦理欽此

道員助捐請

旨議敍片

同治元年九月初九日

再江蘇蘇松太道吳煦因浙省餉項支絀捐輸庫平紋銀一萬兩於三月三十日解交安慶轉解臣軍廣信後路糧臺收訖查吳煦籍隸浙江當此軍需喫緊之際捐助本省餉銀一萬兩尙屬急公雖據稱不敢仰邀議敍惟該員倡捐鉅款未便沒其報效之忱應

請

旨將該員交部從優議敍以爲浙省紳商之勸理合附片具奏伏

乞

皇上聖鑒施行謹 奏

議政王軍機大臣奉

奏稿卷三

五

旨吳煦著交部從優議敍欽此

赴口買馬請免稅片

同治元年九月初九日

再南方征剿之利馬步水三者缺一不可臣軍向無馬隊前經會國藩撥交一營共馬百數十匹頻年馳驅轉戰勞傷甚多雖迭經陸續添買尚不足兩營之數見在攻剿喫緊遇地勢平衍堪以馳驟及追逐包抄必須馬隊之處輒苦不敷分布已札飭擬保遊擊馬德順遴派把總王應山赴張家古北口等處購買戰馬二百匹餘馬二百匹由驛遞護來營以資攻剿查湖北軍營出口買馬俱經奏准免稅在案臣軍採購戰馬事同一例相應仰懇

聖恩俯准敕部知照各處一體按數查驗免稅放行俾無遲滯感荷

奏稿卷三

六

鴻慈實無既極謹附片具奏伏乞

聖鑒施行謹 奏

議政王軍機大臣奉

旨著照所請該部知道欽此

失事弁兵毋許收伍片

同治元年九月初九日

再杭城失陷列郡淪胥失守之文武員弁兵勇除陣亡外均經潰逃四散見在甯波台州處州各郡縣以次收復潰卒陸續歸營臣維失事各文武吏議綦嚴帶兵將弁既應查參逃潰兵丁豈可濫行收伍擬卽咨照各提鎮查明失事弁兵嚴行汰革毋許收伍統俟事平再於出力勇丁內挑補足額以收實效而節虛糜并可安插勇丁令有歸著以便鈐束是否有當理合附片陳明請

旨

議政王軍機大臣奉

旨知道了欽此

奏稿卷三

七

查參府縣二員摺

同治元年九月初九日

奏爲遵

旨查明據實參奏事竊臣於七月二十四日龍游潭石望行營承准議政王軍機大臣字寄同治元年六月十八日奉

上諭有人奏浙江署金衢嚴道江永康吸食鴉片不理公事與李定太在城外船上挾妓飲酒募勇數百冒稱數千從中漁利西安縣知縣丁壽宸藉捐肥己擅用非刑上年九月間該縣下鄉以捐穀爲名逐戶勸捐無得免者民既捐穀復令改交番銀展轉折變以飽其私橐又於署前設籠捐不如數卽將捐戶鎖置籠中非刑徧勒滿欲而後止等語浙省被匪蹂躪民間瘡痍未復文武各員

奏稿卷三

文

宜如何認真防剿加意撫循以蘇民困而安疆圉江永康等身任地方李定太係屬帶兵大員前據左宗棠陳奏該二員本不得力所參各款定非無因亟應從嚴懲辦著左宗棠將該員被參各款秉公確查據實參奏毋得稍有徇庇將此由五百里諭令知之欽此臣查署金衢嚴道本任衢州府知府江永康被參各款臣未入浙之前卽有所聞比復畱心訪察如原奏該員與李定太在城外船上挾妓飲酒一節查浙江向有一種花船專載客商供其游讌船戶時蓄歌妓陋俗相沿由來已久亂後船多被擄景況蕭條此風不禁自息間有未經被擄船隻亦均改裝貨物人去船空聞李定太上年秋間邀同江永康閱看水操一次曾於此等空船搭蓋

官棚外閒諠傳挾妓飲酒之事卽由此起實則飲酒之事容或有之妓則無可挾也至原奏江永康募勇數百冒稱數千一節查衢防兵勇從前入千有奇除慶端調去副將周萬遠所帶勇丁八百名外李定太所部兵勇五千餘員名衢鎮四營及楓嶺營兵丁千餘員名遊擊程紹鸞所帶安勇三百二十名遊擊黃高本所帶親勇二百名水勇一百七十餘員名皆歸李定太統帶此外惟衢州府壯勇三十名以備巡查自臣以次裁撤後僅畱衢鎮四營兵丁九百六十九名汛兵一百三十五名安勇親勇五百二十名分防城塚臣因兵力太單加派所部兩小營入城助守除兩小營外見計每月僅需餉銀及委員薪水共四千三百二十四兩零錢四千二百六十三千零食米一百六十餘石此有冊可稽有名可點者江永康實無募勇數百冒稱數千之事又原奏江永康吸食鴉片一節臣無所聞接見時畱心察看面貌氣色亦不似有癮之人惟該員性喜浮僞辦理地方諸事未洽輿情應請

奏稿卷三

九

旨將該員革職以肅官常署西安縣知縣丁壽宸藉捐肥己擅用非刑各款臣畱心察訪并無實據惟該員於逆賊甫退之後卽催徵錢糧臣駐軍雲溪時曾有民人涂姓控告該縣丁書之件當飭署衢州府知府吳艾生嚴提懲辦又該署令於五月內因催徵新賦詳請斥革生員程德基衣頂經臣以有意苛求駁斥銷案此外并無控告之件至外省各州縣近因嚴治土匪閒設木籠意在示

威非因催徵錢糧而設如果該署令敢用非刑徧勒必有受害之人臣軍行所至無日不接見士民延訪疾苦并無呼訴及此者惟丁壽宸才庸識闇遇事玩泄難期振作應請一併革職以示懲儆江永康所署金衢嚴道一缺見本任金衢嚴道恆山業已赴營稟到當卽檄飭赴任其江永康本任衢州府知府查係請

旨之缺應請迅

賜簡放所有遵

旨查明參奏緣由理合據實直陳伏乞

皇上聖鑒訓示施行謹 奏

同治元年九月二十四日內閣奉

奏稿卷三

三

上諭前因光祿寺卿潘祖蔭奏參浙江署金衢嚴道衢州府知府江永康吸煙廢公募勇漁利西安縣知縣丁壽宸藉捐肥己擅用非刑各款當經諭令左宗棠確查具奏茲據奏稱查明知府江永康募勇每月所需餉銀等項皆有冊可稽并無募勇數百冒稱數千及吸煙各情惟性喜浮僞辦理地方諸事未協輿情知縣丁壽宸亦無藉捐肥己擅用非刑實據惟才庸識闇遇事玩泄難期振作請一併革職等語署金衢嚴道江永康西安縣知縣丁壽宸均著革職以示懲儆餘著照所議辦理該部知道欽此

偈攻龍游湯溪縣城賊壘情形摺

同治元年十月二十二日會銜

奏爲官軍偈攻龍游湯溪縣城及附城賊壘并分剿金華蘭谿嚴州等處援賊壘獲勝仗兩城尙未克復見籌攻取情形恭摺奏祈聖鑒事竊臣自將油埠裘家堰羅埠湖鎮五星街各要隘奪獲後令蔣益澧圍攻湯溪劉典駐油埠兼扼湖鎮親督各營於龍游西南兩門外開掘長濠引小溪之水灌之又以東門外寶塔嶺俯瞰賊巢地勢在所必爭九月初十日商之劉培元槍紮三小壘并派各營列隊以防城壘之賊申刻新壘成各營甫收隊還該逆忽分股急撲意在乘我之倦劉培元親率弁勇極力堵禦臣復飭各營回擊賊大敗走追近壘前城賊復出官軍於昏夜之中混戰逾時

奏稿卷三

三

約斃賊百餘名槍礮傷者不計其數賊敗入城乘勢追至城下轟攻良久乃還自寶塔嶺三小壘成賊始奪氣以後并不敢出城拒敵矣是役劉培元督戰甚力所部勇士守備師有勝熊得先手刃數賊皆誤中洋槍殞命殊爲可惜合計斃悍賊三百餘名而弁勇陣亡者十五名受傷者七十餘名十七夜四鼓臣派各營分攻城壘五鼓楊昌濬虞紹南率親兵營劉璈率副中營旂攻傍城一壘出賊不意疾趨而前拔開花籬地刺堆草填濠而進連拋火彈適著賊藥桶火起賊亂官軍乘勢肉薄而登其驍勇者直從礮眼鑽入立破堅壘一座壘中之賊數百僅漏逸三四十名賊目忤天安任方海等十餘名均斬擒淨盡奪獲偽印三十餘顆旂幟槍礮刀

予馬匹悉爲官軍所獲而紅網蜈蚣形畫龍旂多至二百三十餘面其餘各壘經各營猛攻數時前者中傷後者繼進塵攻五時之久四壘垂破復完城賊旋由東門出經王德榜劉璈等截擊斬大旂賊數名餘敗入城仍固匿不出各營奮力猛攻卒以城壘槍礮太密將士受傷過多不得已仍收隊而還計是役陣亡者八十餘名受傷者竟至七百餘名之多爲臣軍向來未有之事蓋攻堅之難如此十月初二日復派親兵營副中營旂專攻第一賊壘置各壘不攻以誘其出殊猾賊仍堅伏不出惟穴牆環開槍礮無隙可乘久之壘中悍賊少許各持洋槍躍出官軍截擊斃其數十而還而官軍陣亡者已十餘名受傷者又五十餘名各營哨官受傷者

奏稿卷三

三

共七名副中營遊擊瞿端明創重殞命尤爲可惜此九月初十入及本月初二日偪攻龍游縣城破一堅壘殺悍賊近千攻城未克之實在情形也蔣益澧一軍派副將熊建益劉清亮謝永祐等與督臣派來助剿之康國器所部分布四門合圍湯城以廣西左江鎮總兵高連陞防金華援賊蔣益澧自駐羅埠防蘭谿援賊東門外山頭賊壘一座堅固異常難以仰攻經蔣益澧派兵偪紮與之相持開挖地道數處分取城壘九月初十等日蘭谿賊目僞天將譚星率黨萬餘上犯圖援龍湯盤踞江坑花園一帶結壘入座上下十餘里村莊皆爲賊據直至離羅埠三里外一帶焚掠兇燄甚張十二日蔣益澧督總兵銜副將劉清亮副將銜參將周廷瑞

曹魁甲各率所部及馬德順馬隊由左路進同知銜知縣楊道洽五品軍功李世祥各率所部由右路進副將何萬華已革都司銜守備徐文秀各率所部由中路進蔣益澧自率親兵策應諸路誘戰良久該逆不出審視各處賊壘惟江坑二座較固餘皆易得手遂令楊道洽李世祥牽制江坑之賊庵中左兩路急進沿途焚賊館十餘處先破賊小壘一座各壘賊出援縱兵奮擊斃悍賊二十餘名賊敗歸壘我軍乘勢猛撲王東林何萬華徐文秀等於礮石中大呼躍入立將三壘蕩平該逆紛紛遁竄經我軍截殺偪之落水共斃賊六七百名生擒八十餘名奪獲牛馬數十槍礮旂幟刀矛無算拔出老幼男婦以千計追奔至離蘭谿五里又破賊壘二

奏稿卷三

三

座殲匪甚多申刻收隊尙餘江坑二壘未破查係譚星自帶死黨屯紮蔣益澧卽於是夜函約劉典於次日分路往攻十三日黎明蔣益澧各營齊抵江坑四面圍撲劉典率所部自伍家淤過河來會併力破其後壘殲賊不少餘匪梟水逃竄被我軍抄擊或死於刃或死於水鮮得脫者計斃賊近千名生擒百餘名獲騾馬二十餘匹大小旂幟數百面軍械無算後壘旣破合攻前壘我軍氣勢愈加拔出籤椿數丈踰濠二道擁至壘下將火箭火彈拋入正在得手之際忽蘭谿援賊麇至當派高連陞劉清亮徐文秀馬德順楊芳桂等率馬步迎剿斃賊數十名賊敗退乘勝追至蘭谿縣城對岸沿途賊巢悉數焚燬復斃賊百餘溺死者無數申刻仍歸大

隊奮力攻撲數次該逆抵死抗拒卒未能下乃收隊而回是夜該逆亦焚壘遁去蔣益澧派兵追之斬殺及溺死者約數百名自羅埠至蘭谿之路一律肅清十一十二等日探報金華援賊竄至湯溪城東二十里之白龍橋一帶延燒村房煙燄四起當經劉典高連陞出隊往剿賊自駭卻十五日蔣益澧復派高連陞熊建益率隊前往搜捕適賊由金華運糧至官軍出不意擊之斬殺多名餘眾竄走高連陞等率馬隊追殺直至距金華府城十里而返沿途復斃賊數十名生擒四十六名湯溪城賊連夜出撲官軍營盤均經熊建益劉清亮及康國器等擊卻之屢有擒斬十月初二夜城逆復於東門外搶紮二壘南門城根搶紮一壘意在通城壘之氣

奏稿卷三

酉

而畱竄金華之路初四日黎明蔣益澧卽督高連陞熊建益會同康國器所部飛虎軍何勇揭陽勇昭武軍力攻三時始將賊壘悉數踏毀共殺賊二百餘名陣斬偽級天義李占魁生擒十六名奪大旗五十餘面槍礮器械二百餘件此蔣益澧會督湘軍圍軍圍攻湯溪及與劉典會剿蘭谿金華援賊獲勝之實在情形也蘭谿譚逆自江坑敗遁後於近城一帶築壘固守并時至谿西虹霓山施家灘厚仁寺女埠等處往來剽掠二十四日劉典督黃少春朱明亮楊鼎勛楊芳桂等馬步四營會合白露山民團進剿該逆見我軍至卽紛紛退走過河我軍乘勢追擊至樟木村地方賊入壘拒守黃少春督勇從壘後斬關直入楊鼎勛督隊截其前門登時

踏破該逆踰牆而出者陷於濠坑籬椿之中皆殲焉約斃賊六七百名時上下村壘復出賊千餘來援經朱明亮楊鼎勛等分路迎擊賊大潰追殺至近蘭谿城邊斃賊約又數百日暮收隊過河譚逆復率黨千餘合敗賊來犯劉典飭各營扼河堵禦令朱明亮率隊從左路截殺槍傷先鋒悍賊十餘名賊眾奔竄溺死者又數十人計此次共斃賊千餘名內有僞侯十一名生擒三十餘名內僞丞相六名奪僞印三十顆僞官照七張驛馬五十餘匹旂幟器械無算該逆經此痛勦後糾合義烏浦江及嚴州分來之賊於金華江蘭江西岸潛修堅壘意圖抗拒十月初二日蔣益澧劉典各派兵分途往攻未能得手雖截殺蘭谿援賊百數十名而蔣益澧所

奏稿卷三

五

部副湘等營共陣亡八十三名受傷者數十名緣地曠路歧收隊時爲伏賊所害也賊目譚星之弟譚富擁眾萬餘屯踞嚴州府城并於近城數十里內節節設卡河下安泊戰船阻我進攻之路候補知府魏喻義率所部二千人自遂安移紮淳安縣銅關及壽昌縣城攻破洋溪賊卡斬逆目黎滿志餘眾悉降十月初三日復會合紳團攻破嚴州北路三卡殲匪數百名奪僞印四顆初四日嚴城踞匪分股竄至南路黃山頂一帶將合蘭谿賊上犯當卽派隊合民團擊敗之擒斬頗多此劉典魏喻義分勦蘭谿嚴州賊匪獲勝之實在情形也總計龍游湯溪蘭谿嚴州諸處大小數十戰攻破賊壘賊卡三十餘處殺悍賊六七千名大小賊目近百名戰事

尚順惟各城及附城諸壘堅不可拔每猛攻一次將士之奮勇最著者多帶槍礮子傷或登時殞命緣猾賊知官軍不可力敵遂以死守城壘穴牆開礮爲得計城壘之外濠溝深闊木椿地鍬環濠數十丈徧地密布不能容趾官軍偏攻愈猛傷亡愈多而龍游湯溪兩城爲金華要道必兩城下後路清而後可攻金華蘭谿一水直達嚴州必蘭谿下餉道通而後可攻嚴郡此三城者如骨在喉非採取之不快而各營業已偏近賊之城壘相距不過一里半里勢亦難舍此他圖臣前奏所以慮其爲曠日持久之局者此也屢據逃出賊供龍游城壘油鹽薪炭俱缺見已拆屋爲炊賊數雖有兩三萬之多除老弱患病不計外能戰者實不過數千人所以窘

奏稿卷三

美

蹙至此猶忍死待援者意在戀其輜重婦女又恐棄城壘而逃眾心渙散官軍追殺斷難倖免耳湯溪賊情賊勢亦同臣見密劄各營於賊所可竄之路分起放哨設伏一斷其接濟一截其去蹤一面調取大礮購覓炸彈轟攻城壘免致多傷精銳湯溪只一城一壘尙有可開地道之處蔣益澧見已設法趕辦劉典駐軍太平祝家及湖鎮之間專備截剿嚴州蘭谿援賊如逆首李世賢果由金陵回援則應由臣軍及蔣益澧派隊助剿魏喻義所部二千人仍分駐淳安西銅關及壽昌縣城以防嚴州蘭谿之賊內犯飭前駐遂安之王文瑞率所部老湘營全軍踰嶺過婺源進駐歙休交界之草市嶺以固婺而援徽而調江西撫臣派來助剿之同知王沐

一軍二千人代守遂安以扼江皖之衝俟龍游湯溪兩城有一克復則局勢稍活其布置分合之宜當隨時會商辦理所有疊獲勝仗及見在布置情形謹會同協辦大學士兩江總督臣曾國藩閩浙總督臣耆齡據實陳奏伏乞

皇上聖鑒訓示施行謹 奏

議政王軍機大臣奉

旨另有旨欽此

奏稿卷三

七

發給勒伯勒東筭憑片

同治元年十月二十二日

再臣奉

寄諭法國因甯波海口喫緊願將伊國副將勒伯勒東權受中國職任帶兵防剿見由總理各國事務衙門與之定議該國情願以勒伯勒東權受中國職任聽浙江巡撫及甯波道節制著薛煥李鴻章左宗棠將該副將在甯波所練中國兵丁一千五百名應給餉項卽行按照舊章支放并據恭親王等奏稱以該副將旣歸該省大員節制卽應由該大臣巡撫給付筭憑以一事權卽著薛煥李鴻章左宗棠悉心妥籌或由李鴻章或由左宗棠發給勒伯勒東筭付旣須事權歸一又須力能控制方免紛歧遲誤該副將旣

奏稿卷三

三

受中國職任之後卽應一視同仁遇事持平辦理一切按照中國法制不得稍存偏倚亦不得稍有寬縱史致諤甫到甯郡未知於該處情形及駕馭事宜能否諳悉薛煥等務卽督飭該道於該副將所領之軍及甯郡兵勇賞功罰罪以及稟報戰守各情務令秉公核實其支放錢糧尤不得有絲毫扣減浮冒等弊致爲外國人所輕視至籌防一節先經法國公使欲統歸勒伯勒東辦理復經總理各國事務衙門與之再三講論始願歸甯波道督辦惟上年甯郡失事英國人在京歸咎於中國官不肯照伊布置辦理以致誤事此次該副將有所籌商務飭該道員與之和衷共濟不得稍有齟齬致誤機宜一俟左宗棠等克復金華兵力足以兼顧甯波

一帶卽行察看情形將勒伯勒東撤回法國仍用中國官兵防守
毋庸俟浙省全行平靖方令撤卸等因欽此旋經薛煥李鴻章恭
錄移咨到臣李鴻章檄史致諤給與勒伯勒東照會咨臣給與箭
憑臣初以甯波距上海近距臣軍遠中隔賊氛暫難兼顧且李鴻
章威名丕著中外咸知非臣所及臣於甯波兵事既囑史致諤就
近稟承則勒伯勒東箭憑應由李鴻章就近發交方資控制繼思
法國之請以勒伯勒東權受中國職任聽撫臣及甯波道節制自
係就轄境而言洋將之受中國職任本是偶爾權宜異時更易撤
畱仍須由浙主政自宜先正其名已繕備勒伯勒東署理浙江總
兵箭憑由安慶輪舟遞交史致諤轉發并咨薛煥李鴻章知照矣

奏稿卷三

无

臣維人無中外其好惡同則其情理一忠信篤敬蠻貊可行內治
克修遠人自服如賞功罰罪不秉大公諱敗攘功不務核實以及
冒銷錢糧侵扣軍餉皆主兵者所最忌有一於此部曲尙且離心
況以之施諸荒遠內附之人乎史致諤人尙明白或不至此臣亦
當隨時誥誡期免愆尤惟是沿海各郡自五口既開之後士民嗜
利忘義習尙日非又自海上用兵以來至今未覩戰勝之利於是
妄自菲薄爭附洋人其黠者且以通洋語悉洋情粹致富貴趨利
如鶩舉國若狂自洋將教練華兵之後桀驁者多投入其中挾洋
人之勢橫行鄉井官司莫敢詰治近聞甯波提標兵丁之稍壯健
者且多棄伍籍而投洋將充勇丁以圖厚餉此常勝一軍所以增

至四千五百人也若不稍加裁禁予以限制則客日強而主日弱費中土至艱之餉而貽海疆積弱之憂人心風俗日就頹靡終恐非計臣擬熟察情形俟浙江局勢稍有轉機再與會國藩李鴻章徐商妥策所有發給勒伯勒東筭憑及覆陳情形謹據實附片具奏伏乞

皇上聖鑒謹 奏

議政王軍機大臣奉

旨另有旨欽此

奏稿卷三

三

已革道員暫緩拏問片

同治元年十月二十二日

再臣接據甯紹台道史致謬稟稱據甯波紳士陳政籥等呈籌捐防剿一切喫緊已革道員張景渠熟悉情形可否畱甯會辦軍務等情并准江蘇撫臣轉咨到臣維已革甯紹台道張景渠係疊奉

諭旨拏問之員未便仍畱甯波會辦軍務惟該革員經手事件尙未結算清楚而此次克復甯波鎮海慈谿餘姚奉化等城雖是因入成事亦實著有微勞可否暫緩拏問之處出自天恩理合附片陳明伏乞

皇上聖鑒訓示謹

奏

奏稿卷三

三

議政王軍機大臣奉

旨另有旨欽此

派兵駐防歙休地方

同治元年十月二十二日

再蔣益澧一軍屢奉

寄諭因羣賊撲犯金陵大營

敕調赴援臣亦屢接會國藩函咨頻催蔣益澧率所部馳援皖南以便鮑超赴金陵之援維時蔣益澧已於羅埠攻剿得手後徑偪湯溪縣城連紮十餘營距賊不及半里宵柝相聞一時不能卽撤而賊首李尙揚因猝被蔣益澧猛攻緊偪勢頗窮蹙蔣益澧意此城旦夕可下不欲棄垂成之功且以此間局勢論之湯溪不拔則龍游之賊得通金華蘭谿之援臣軍之圍龍游者亦將四面受敵正躊躇閒續准會國藩咨函會國荃頻獲勝仗連破賊壘金陵大

奏稿卷三

三

營局勢漸臻穩固鮑超與張運蘭力禦甯國之賊無須馳援金陵蔣益澧得壹意攻剿洵爲意外之幸惟甯國之賊意在乘閒突犯江西則安徽徽州兩郡各屬爲其必經之地池州在山外非臣力所能及而由婺源出歙休之間遏賊犯江西景鎮樂平德興一面之衝此則臣軍頻年苦戰之地地利尙習義不容辭臣已調駐守遂安之布政使銜卽選道王文瑞督所部全軍二千五百人踰大庸嶺直抵歙休婺三界之草市地方結壘扼守賊如入嶺可相機圖之其遂安一縣介江皖之邊亦須調兵接防以壯王文瑞後路聲援而彌江皖罅隙卽調江西撫臣派來助剿之同知王沐帶所部二千人移駐其間已各報到防矣理合附片具陳仰慰

慈塵伏乞

皇上聖鑒訓示謹 奏

議政王軍機大臣奉

旨另有旨欽此

奏稿卷三

議政王軍機大臣字寄同治元年十一月初十日奉

上諭左宗棠李鴻章奏中外官軍攻克上虞縣城一摺并左宗棠奏官軍偪攻龍游湯溪等城及給發勒伯勒東節付并請將張景渠暫緩拏問派兵駐防歙休地方各摺片已明降諭旨將克復上虞情形宣示矣惟據法國哥士耆函致總理各國事務衙門言及克復該城係先在城外踏毀賊營奪橋焚卡中國官兵以少勝多頗稱得力惟轟城竟日而城中絕無動靜遣人往視始知賊已宵遁等語與此次所奏官兵奮勇登城賊由西南逃竄情形不符與外國人共事全在乎以誠信若稍有粉飾卽爲所笑史致諤等稟報軍情沾染軍營惡習必須嚴加訓飭庶可力挽頹風并飭令嗣

奏稿卷三

三

後務須據實詳報不得一字虛假以杜外國口實張景渠前此棄城而逃并有侵帑情事此時豈得遽請暫緩拏問准令畱營仍著李鴻章左宗棠查明該革員隨同克復各城是否認真出力及從前甯波失守情形據實具奏江南大股逆匪會合九洑洲踞匪出竄江北屯紮於江浦浦口一帶其勢甚張昨已諭令曾國藩等妥籌防勦并令常勝軍協力戰守見在白齊文已由甯波帶勇回至松江卽著李鴻章催令趕緊調齊人數兼程進發迅速入江如能將九洑洲等處克復不獨江浦之賊不勦自退卽長江亦可疏通於大局甚有裨益勒伯勒東業經左宗棠發給節憑令其統率一軍惟以洋人教兵領隊流弊極多朝廷早已慮及是以前次有准

減不准增之諭左宗棠所陳各情與朝廷之意脗合想該撫等必能遵旨妥辦也龍游湯溪等城攻勦屢獲大捷而賊壘尙堅每戰必傷精銳左宗棠擬一面斷其接濟一面調取大礮購覓炸彈轟攻城壘所籌甚是卽著相機妥辦於上海甯波設法購買運往應用以制賊死命湯溪地道是否趕辦完竣如能迅下兩城則金華蘭谿一水可達方有進兵之路此時上虞旣復嵊縣新昌亦相繼而下浙東大有轉機著左宗棠飭令史致諤等會合中外各軍迅速進兵規復金華紹興各郡縣以牽賊勢該撫謀略素優於進止一切機宜必能調度合宜也徽防關係緊要王文瑞駐守草市一軍及王沐駐防遂安一軍仍當嚴飭該員等實力扼守隨時策應以爲該撫後路聲援毋稍疏懈將此由六百里諭令知之欽此

奏稿卷三

攻勦嚴州克復郡城摺

同治元年十一月二十三日會銜

奏爲官軍攻勦嚴州踞逆克復郡城恭摺馳奏仰祈

聖鑒事竊逆賊以金華爲老巢恃嚴州爲犄角嚴州地勢外通皖南徽甯兩郡內達杭州形勢尤重臣初入浙原擬先克此郡以速戎機嗣因賊勢趨重三衢希圖越犯江西斷我餉道不得不先扼此路以保完善之區然於嚴州則未嘗須臾忘也前因羣賊窺犯甯國臣卽決計縱龍游湯溪克復亦須急攻嚴郡緩攻金華曾經奏明在案屢飭布政使銜卽選道王文瑞卽選知府魏喻義合圖嚴郡嗣因皖南之賊漸偪徽州不得已調王文瑞駐遂安一軍入婺援勦所恃以圖嚴州者僅魏喻義之一軍二千人而又分駐嚴

奏稿卷三

三

之銅關與壽昌縣城兩處兵力苦單臣飭臬司劉典一軍力攻蘭谿一路冀分嚴郡賊勢而陰飭魏喻義相機克復嚴州并飭駐壽昌之一千人併歸大隊以厚其力蓋踞嚴逆目譚富與踞蘭谿逆目譚星爲兄弟均是廣東著名悍賊彼此互相首尾逆首李世賢曠其合勢以拒我軍者也故欲攻嚴郡則必先攻蘭谿以分其勢魏喻義旣駐軍銅關據險設卡召集諸民團令其協力謀之逆目譚富於十一月初八九等日糾集桐廬浦江各逆疊次來犯均經我軍擊退擒斬頗多民團之氣亦振城中被脅難民時誦賊動靜詣營密告魏喻義得以先事制之賊恃其眾不介意也十一日譚逆傳僞令將於十三日傾巢來撲銅關營壘魏喻義聞之十二日

已刻率所部偃旂息鼓赴洋溪二鼓潛趨嶺腳分路設伏布置甫定少頃先鋒悍賊五百餘行過伏前伏軍驟起四面圍殺無一脫者後隊萬餘見前賊被殲驚竄回城魏喻義令揚旂發號佯退洋溪以弛其備十三日晡閒魏喻義令諸營各昇攻具以備登城令所造礮船直下南門大河斷其水道馬隊由北路繞過東門斷其下竄桐廬之路飭我軍聞礮卽奮勇齊登魏喻義督率親兵於夜半時潛抵西北兩門豎立雲梯號礮響前營藍翎同知銜通判李昌彩藍翎千總李光彩藍翎守備劉華汜左營花翎遊擊銜都司黃占鼇外委楊信成軍功雷繼裘邱奪才中營花翎遊擊銜都司魏光謨花翎都司周世運藍翎守備王宗高軍功駱輝能蕭孝

奏稿卷三

七

前郭玉發右營花翎都司魏發沅藍翎千總胡世忠藍翎把總魏名璋軍功李玉春後營花翎參將銜遊擊許成化軍功李得勝鳳冠林等首先登城各勇一擁齊上殺斃巡夜守城之賊百餘正欲下攻城內悍賊分段擁上洋槍如雨我軍奮威衝殺火毬火彈連環拋擲自亥至丑鏖戰三時之久殺賊二千餘人賊尸紛紛下墜城上肅清始令下城巷戰城賊愈集愈多我軍愈戰愈勇轉戰至南門大街各營畢集斃賊不知其數餘賊數千望東南狂竄城門鍵閉牢固猝不及啟其偪由城堞躍下墜死者亦約百餘其河下賊船經五品軍功李本鴻督帶礮船搶下蘭谿港口轟擊焚燬殆盡梟水各匪率皆淹斃越城脫者沿河旣被礮轟竄至東路又被

花翎都司銜守備林德元藍翎守備魏光翰率馬隊追斬千餘時已嚮晨各路團丁畢集零匪無路可遁被徧仍回東門城下拋置器械伏地投誠十四日已刻收隊本地難民及投誠餘黨數百概令薙髮分別安撫遣散嚴州府城立卽克復計共殺賊萬餘焚溺無數焚燒賊船二百餘隻搜獲偽印二百九十三顆奪賊馬二百餘匹僞文旂幟軍械無算至僞忠勅朝將譚富是否死於亂刃死於焚溺無從查確惟驗所獲畫龍大纛及黃緞繡龍袍靴黃緞龍帽各件則皆譚賊物也官軍陣亡十八名受傷者一百七十五名是役仰仗

皇上福威克復名城犁巢擣穴擒斬極多實非始願所及花翎卽

奏稿卷三

奏

選知府魏喻義樸訥廉謹平時治軍嚴肅每戰身先士卒能以寡勝眾實屬文職中兼通方略之員合無仰懇

皇上天恩以道員畱於浙江補用并

賞加勇號以勵戎行同知銜藍翎通判李昌彩請以同知畱浙儘先補用并請

賞換花翎花翎參將銜遊擊許成化請以副將畱浙補用花翎遊擊銜都司黃占鼈魏光謨請以參將畱浙補用花翎都司周世運魏發沅請以遊擊畱浙補用并

賞加參將銜花翎都司銜守備林德元請以都司畱浙補用并

賞加遊擊銜藍翎守備魏光翰劉華汜王宗高均請以都司畱浙

補用并

賞換花翎藍翎千總李光彩胡世忠均請以守備補用并

賞加都司銜藍翎把總魏名璋五品軍功李本鴻均請以守備補用外委楊信成軍功雷繼裘邱奪才賂輝能蕭孝前郭玉發李玉春李得勝鳳冠林均請以千總拔補并

賞戴藍翎其餘在事出力弁兵紳勇可否由臣核明保獎之處出自

天恩所有克復嚴州府城實在情形謹會同協辦大學士兩江總督臣曾國藩閩浙總督臣耆齡恭摺奏報伏乞

皇上聖鑒訓示施行謹 奏

奏稿卷三

三

同治元年十二月初八日內閣奉

上諭左宗棠奏官軍攻克嚴州府城一摺浙江逆匪踞守嚴州府城屢次糾黨出擾均經官軍擊退十一月十二日知府魏喻義偵知賊欲傾巢出犯先令官軍設伏以待是晚該逆前隊竄至鐘嶺腳地方伏兵齊起四面圍殺悍賊五百餘人無一脫者後隊驚竄回城十三日夜半魏喻義親率諸軍潛抵郡城西北兩門豎立雲梯通判李昌彩等首先登城官兵一擁齊上殺斃守城之賊百餘城內悍賊分段擁上洋槍如雨官軍奮勇衝殺拋擲火毬火彈塵戰三時之久殺賊二千餘人旋復下城巷戰斃賊不知其數餘賊望東南狂竄城門猝不及啟由城垛躍下墜死者約百餘名其河

下賊船經礮船轟擊焚燬殆盡越城脫者復被馬隊追斬千餘名
殘匪無路可遁棄械投誠立將嚴州府城克復共計殺賊萬餘焚
溺無數焚燒賊船二百餘隻搜獲偽印二百九十三顆奪獲馬匹
旂械無算剿辦甚屬得手所有尤爲出力之知府魏喻義著以道
員畱於浙江補用并賞加振勇巴圖魯名號通判李昌彩著以同
知畱於浙江儘先補用并賞換花翎遊擊許成化著以副將畱於
浙江補用都司黃占鼇魏光謨均著以參將畱於浙江補用周世
運魏發沅均著以遊擊畱於浙江補用并賞加參將銜守備林德
元著以都司畱於浙江補用并賞加遊擊銜魏光翰劉華汎王宗
高均著以都司畱於浙江補用并賞換花翎千總李光彩胡世忠
均著以守備補用并賞加都司銜把總魏名璋軍功李本鴻均著
以守備補用外委楊信成軍功雷繼裘邱奪才駱輝能蕭孝前郭
玉發李玉春李得勝鳳冠林均著以千總拔補并賞戴藍翎其餘
出力弁兵紳勇著准其擇尤保奏陣亡弁兵并著查明請卹該部
知道欽此

奏稿卷三

請 敕部續發米捐執照片

同治元年十一月二十三日

再臣軍所部二萬七千餘人見在餉銀僅敷發至本年四月欠發已近八箇月目下遣員回楚添募勇丁長夫又在溫台兩府挑選壯健勇丁來營補充病故病弱空缺需餉日繁各省每月協餉均難如數解濟臣前奏請開米捐蒙

准敕部頒發各項空照臣接收後分途勸辦頗有成效尙未取齊而存照業已無多合無仰懇

天恩敕部再配發各項執照共一萬張交臣照辦於軍糈不無稍補又本年五月接准咸豐十一年十一月初六日由部頒發空照三千四百張內收戶部貢照二百七十張其國子監貢照二百七

奏稿卷三

聖

十張未准配發又續接准十一年十二月二十日由國子監發空照二千二百三十四張其戶部頒發各項空照三千四百張內只有監照七百張短配發監照一千五百三十四張又奏准米捐案內於閏八月初六日由部頒發各項執照五千張內收貢照五百張監照二千張其國子監貢照五百張監照二千張未准同發以上三起貢監各照臣業經咨催未准補發請一併

敕部迅速補頒由驛飛遞前來以憑搭配勸捐冀可稍濟飢軍伏乞

皇上聖鑒施行謹 奏

同治元年十二月初八日內閣奉

上諭左宗棠奏請敕部續行配發執照并從前未發貢監各照迅速補頒等語浙江軍營需餉孔亟前經左宗棠奏開米捐由部頒發執照分途勸辦見已著有成效著戶部再行配發各項執照一萬張迅卽遞交左宗棠軍營以濟軍精至上年十一月國子監短發貢照二百七十張十二月戶部短發監照一千五百三十四張又本年閏八月國子監短發貢照五百張監照二千張并著該衙門迅速補行發給毋再稽延其上三次頒發部監各照因何參差不齊未能一律配發之處著該衙門一併查明辦理欽此

附陳賊情并監放炸礮片

同治元年十一月二十三日

再甯波中外各軍會克上虞後新昌嵊縣之賊均竄諸暨其東陽義烏之賊均紛紛西竄據金華神團探報羣賊麇聚金華屯紮數十里不知其數意在援救湯溪龍游然徘徊不敢遽進龍湯兩城之賊揚言逆首李世賢已至徽州給諸賊固守實則接濟已斷外援不來諸賊亦自相猜貳屢據賊中逃出賊目及搜獲僞文所言窘蹙情形相同其偶爾衝出零星小股均經各營隨時擊退每次擒斬數十百名然城壘極堅攻撲多損精銳一時未能遽下臣聞江西所存五千斤木殼銅心大礮能發三十七八斤重炸彈其製與洋人落地開花礮略同臣於調取到時兩次親自監放并攜礮

奏稿卷三

呈

規測驗先發之六顆均近城而墜次將礮壘移近除間有先炸數顆外餘均墜入城中始行炸裂轟塌房屋炸斃逆賊料亦不少然賊之穩踞尙如故可見西洋所恃爲利器者亦祇能驚可動之眾無備之城無他謬巧也見在嚴郡旣克金華右臂已斷如能速克蘭谿則嚴州之水運通金華孤而杭州亦震龍湯兩城之克亦當不遠臣惟有盡瘁圖之不敢稍有懈怠至臣軍自夏徂秋爲疾疫所苦夫勇故者至四千餘之多入冬以來漸次痊可前此欽奉恩諭垂詢及之臣比恭錄行知并傳各營官哨官剴切宣示諸將士亦知感荷

皇仁雖缺餉七入箇月之久未忍言去卽病弱稍能起立者亦未

忍求假臣賞其誠而亦未嘗不憐其苦也所有龍湯蘭各戰情形
應俟續報以慰

慈廕理合附片陳明伏乞

聖鑒謹 奏

議政王軍機大臣奉

旨另有旨欽此

奏稿卷三

四

會剿竄徽之賊克復績溪祁門兩城摺

同治元年十一月二十三
日會協辦大學士兩江總

督會國
藩銜

奏爲官軍會剿竄徽之賊克復績溪祁門兩城恭摺具奏仰祈

聖鑒事竊皖南告警臣等調駐守遂安布政使司銜卽選道王文

瑞所部全軍於九月駐紮歙休婺三界之草市地方相機援剿業

經奏明在案十月旌德告警正擬援旌而旌圍旋解時有股匪由

昌化闖入徽郡地界糾合旌德股匪於前十月二十五日突陷績

溪王文瑞卽會同皖南鎮唐義訓援之師進臨溪二十八日王文

瑞前隊遇賊生擒數十人二十九日賊復來犯擒斬數百人十一

月初一日官軍分三路擊賊唐義訓由左路進王文瑞由中右兩

奏稿卷三

七

路進賊撲中路甚猛我軍奮擊斃先鋒悍賊數十人騎馬黃衣賊
目一名營官楊海泰龔隆貴王明輝等怒馬陷陣賊勢少卻羅瑞
山郭德馨等復從山凹橫截賊陣大亂朱連芳陳清泰郭蘭世賀
章彬鍾邦林方有才等奮威衝殺中路之賊大奔唐義訓朱聚賢
從左右截之各有斬獲計殺賊千餘名生擒二百餘解散千餘奪
獲賊馬二十餘匹洋槍洋礮二百餘件旂幟刀矛無算本擬乘勝
攻城因雨收隊是夜三更賊膽寒竄遁追至叢山關而還沿途
殺賊頗多績溪縣城於初二日卯刻收復訊據賊供賊目爲巢姓
洪姓陳姓洪逆已經擊斃兇鋒大挫徽休局勢無虞王文瑞於初
五日仍回草市旋報古逆率賊約萬人由旌北竄入太平縣之黃

花嶺初六日王文瑞冒雨拔隊由休甯前進初七日駐師漁亭甫到卽聞駐祁之良字兩營出嶺接仗王文瑞以良營兵單不守而戰殊爲可慮乃星夜馳往援之行至離祁二十五里地方探報良營已被衝散賊已入城其時兵勇連日奔馳山路滑澁軍火在後地境生疏欲乘夜進攻轉恐失利仍暫回漁亭會商唐義訓合力併進臣宗棠聞祁門旣失徽郡糧路被截饒景堪虞因於無可抽撥之中札調臬司劉典一軍暫罷蘭谿不攻由華埠趨婺越境助剿十九日啟行卽接據稟報初九日午刻唐義訓王文瑞由漁亭進紫花橋比卽挑勇數十名持火箭火彈號鼓於近城山頭施放城賊大震四更後由西門逃竄祁城於初十日收復官軍分路跟

奏稿卷三

吳

追斬尾賊二三百人王文瑞以祁城雖復恐賊繞竄浮梁景鎮卽派隊出桃樹店截之此浙軍會剿皖南竄賊收復績祁兩城實在情形也見准江西撫臣來咨調回援浙之卽選道王德榜一軍及接守遂安同知王沐一軍分赴玉山景鎮一帶防守江西兵力較前稍厚遂安要地無人防守臬司劉典應卽暫緩婺景之行擇駐瀆遂蘭谿適中地方以資兼顧所有此次會克績溪并收復祁門出力弁勇可否由臣等核酌保獎之處出自

天恩伏乞

皇上聖鑒訓示謹 奏

議政王軍機大臣奉

旨另有旨欽此

奏稿卷三

呈

議政王軍機大臣字寄同治元年十二月初八日奉

上諭左宗棠奏官軍克復嚴州并湯溪龍游賊情請敕部再行頒發捐照各摺片本日已明降諭旨將出力之魏喻義等照所請獎勵并敕部卽行頒發各照矣嚴州克復殺賊逾萬蘭谿賊膽已寒著卽迅催劉典一軍趁勢規復如蘭谿可克則嚴州之水運通金華賊勢遂孤杭州亦將震動勦辦更易得手龍游湯溪賊援已斷諸賊自相猜貳正可設計攻拔各處勦辦情形并著隨時奏聞以紓南顧之憂各營自夏徂秋爲疾疫所苦近雖痊可而缺餉數月仍能耐苦力戰覽奏實深廩念已催令沈葆楨晏端書迅籌撥餉接濟該撫仍卽策勵諸軍奮勉圖功以期節節肅清同膺懋賞另

奏稿卷三

巽

摺奏浙軍會剿竄徽之賊克復績溪祁門等語官軍克復績溪等處前據會國藩奏報已將出力之王文瑞等分別獎勵其餘出力弁兵著會國藩左宗棠會同查明分別酌量保奏石埭太平一路尙虞匪蹤竄越昨諭會國藩嚴飭朱品隆等分路勦擊肅清徽境毋使已復各城再有他虞諒該大臣已遵旨辦理其界連江西浙江之處并著左宗棠派兵會同防剿毋令闖入將此由六百里諭令知之欽此

請緩辦浙省例應題咨公牘片

同治元年十一月二十三日

再浙省此次之變除見存之府廳縣外各衙門文卷冊籍成案檔冊一概蕩然無存幕友書吏流亡轉徙無從尋覓臣自蒙

恩補授巡撫以來均在行營辦事尋常例案幕友固以艱險之地裏足不前本衙門舊有書吏亦并無一名來投者軍事而外一切

照例

題奏及應咨應行公牘均須一手具稿而又苦無例案可尋卽司道以下各員亦多新進不諳體式思欲一一遵照舊章實非此時所能驟致可否仰懇

皇上天恩垂念浙省事皆新造與各省情形不同凡照例應題各

奏稿卷三

兗

件及照例應咨各部公牘均暫緩辦理俟杭省克復再議遵照舊章以免疏誤是否有當伏候

訓示施行謹 奏

議政王軍機大臣奉

旨著照所請該部知道欽此

圍攻龍游湯溪兩城截剿金華蘭谿援賊情形摺

同治元年十一月廿八日會銜

奏爲官軍圍攻龍游湯溪兩城截剿金華蘭谿援賊疊獲勝仗見

籌辦情形恭摺奏報仰祈

聖鑒事竊自官軍進攻龍游湯溪蘭谿全浙之賊亦併力西趨堅圖抗拒湖紹兩郡之賊僞戴王黃呈忠僞首王范汝增僞梯王練業坤各率其黨麇聚金華自城西至酤坊開化村白龍橋一帶連營數十里其新昌嵯縣諸暨浦江各縣之賊與蘭谿踞匪譚星合勢自縣北將軍巖大慈巖南至谿西一帶亦連營數十里意在急解兩城之圍而城賊及附城各壘之賊固匿不出雖時出零賊潛赴各村往來掠食兼以窺探援賊消息然見官軍至輒縮退城壘

奏稿卷三

辛

施放槍礮十一月十三二十三二十四及十二月初十等日龍游各營截擊城壘潛出之賊約共斃賊數百名而已其蔣益澧圍湯溪一軍十一月二十二日會督臣所派康國器各營迎剿逆首范汝增練業坤於白龍橋殺賊約二千餘名生擒百餘名奪獲賊馬三十六匹旂幟無算二十四日湯溪城逆知援賊且至兩次出城撲我營壘均經副將熊建益擊退是日蘭谿之賊亦渡河而來蔣益澧派隊擊之陣斬逆賊二百餘名生擒十七名二十六日蔣益澧因所開地道無成憤攻湯溪賊壘竟日斃賊約數百名而副將何萬華守備賀啟泰冒險登壘中礮陣亡勇士之亡傷者又三百

餘人壘仍未破也十四日蔣益澧劉典康國器會剿援賊於開化村亦斃賊數百而蔣益澧所部遊擊彭承壽復以猛攻賊壘中礮陣亡此蔣益澧一軍戰事情形也其劉典一軍除會剿金華援賊外十一月二十五日會蔣益澧所部擊逆首譚星於羅埠附近地方殲斃悍賊六七百名生擒三十名是役幾生獲譚星因賊之洋槍隊蜂擁護之該逆易馬而遁僅奪其馬二十六日魏喻義潛擣蘭谿北境將軍巖之賊焚賊七營斃賊三百餘名十二月初十日同知劉璈率所部三百人會署蘭谿縣知縣江紹華夜攻谿西賊壘中伏而敗遊擊銜都司李錦棠守備賀秩成譚永和把總劉德明侯忠信且堵且衝力戰陣亡勇丁團丁之亡傷者百六十餘人

奏稿卷三

五

然賊中巨目孟姓當經官軍陣斬其悍賊之經官軍擒斬者亦二百餘名副將黃有功復於收隊時悉力截剿連斃騎馬賊目三名陣斬悍賊百餘名死傷之數亦略相當矣劉典料賊必由西路上犯約蔣益澧派隊助剿十一日夜帶所部伏馬公嘴近村以待次日賊果蜂擁而至劉典俟其深入始斜出抄之四面縱擊斃賊七八百名內有譚逆之姪譚榮生擒百餘名獲馬十餘匹三十一日夜劉典率水陸各營進攻蘭谿城壘賊仍固匿不出僅斃其放哨之賊數十奪賊船八隻而還賊目張成功乘間率其黨五百餘詣蔣益澧軍前乞降此劉典一軍戰事情形也見在龍湯兩城之賊窘蹙益甚雖各路援賊大至均因官軍處處隔截未能會合米糧

子藥接濟早斷勢難久存惟局勢有不容不慮者賊勢西趨雖圖解龍湯兩城之圍然其詭計則似恐官軍由西而東日進日偏妄思乘間西竄爲出死入生之謀見在甯波官軍漸偪曹娥江距紹興府城僅五十里而首戴梯三逆未嘗回顧是賊之注意西竄亦可概見臣軍以江皖爲後路蘭谿之賊可由壽昌閒道出常山而入江亦可由遂安而入皖金華之賊可由松陽遂昌出江山以入江亦可由龍泉以入閩此數縣者皆斷難任其侵軼惟有勉力圖維隨時咨商閩浙督臣江西撫臣力保完善之區以制方張之寇斷不敢稍有疏懈致誤戎機所有戰事實情形及預籌辦理大概謹會同協辦大學士兩江總督臣會國藩閩浙總督臣耆齡恭摺具奏伏乞

奏稿卷三

三

皇上聖鑒訓示謹 奏

議政王軍機大臣奉

旨另有旨欽此

定海兵團會同輪船搜捕海盜情形片

同治元年十二月二十八日

再甯波府定海廳洋面遼闊島嶼紛歧素爲盜賊出沒之所本年夏秋間廣東盜船蟻聚該廳岑港洋面伺劫商賈意在久踞閩八月二十四日花旗國副將法爾師德輪船到定海時署定海同知劉國觀及團紳林正盛陳裕權等與法爾師德籌商添雇輪船四隻會同官兵民團合剿二十六日護定海總兵印務鎮海營參將袁君榮署定海廳劉國觀率民團同法爾師德等擊賊於岑港破之賊之逃匿海畧者經民團擒斬殆盡共斃盜匪七百餘名兵勇陣亡五名團勇陣亡四十一名連日搜捕洋面安靜商民稱快此次剿捕洋盜弁勇民團尙爲出力可否擇尤酌保數名之處出自

奏稿卷三

三

聖裁所有定海兵團會同花旗國輪船搜捕海盜情形理合附片陳奏伏乞

皇上聖鑒訓示謹 奏

議政王軍機大臣奉

旨另有旨欽此

議政王軍機大臣字寄同治二年正月十三日奉

上諭左宗棠奏官軍圍攻龍游湯溪兩城截剿金華蘭谿援賊疊獲勝仗見籌辦理情形一摺官軍進攻龍游湯溪全浙之賊亦併力西趨堅圖抗拒湖紹兩郡賊首偽戴王等各率其黨麇聚金華城外連營數十里新昌等處之賊與蘭谿踞匪譚星合勢亦連營數十里十一月十三至十二月初十等日龍游各營截擊出城之賊約斃數百名蔣益澧圍湯溪等軍自十一月二十二日至十二月二十一日一月之中疊有斬獲官軍因攻壘未下亦有傷亡尙未能十分得手見在龍湯之賊接濟已斷勢難久存著左宗棠督飭蔣益澧劉典等軍乘勝攻拔無稍鬆勁該逆等注意西竄欲抄

奏稿卷三

五

官軍後路不可不嚴爲防範常山江山等處路路可通著卽飛飭閩浙總督江西巡撫一體派兵嚴防左宗棠亦應豫爲部勒於賊竄江皖道路嚴密布置毋任乘間竄突甯波官軍漸徧曹娥江距紹興府城僅五十里如漸徧漸緊該逆等亦未必不分兵回援該撫務當激勵中外各軍實力進剿以牽賊勢近日軍情仍著隨時馳奏以慰廛系另片奏定海廳洋面盜船蟻聚上年閏八月間署同知劉國觀等與花旗國副將法爾師德籌商添雇輪船會剿斃盜七百餘名請將出力擇保數員等語定海兵團會同花旗國輪船搜捕海盜尙屬認真著准其擇尤酌保數員以示鼓勵前據李鴻章等奏英國擬派白齊文法思爾德會帶常勝軍法思爾德見

往甯波防剿等語是否卽法爾師德該國副將見在何處防剿能
否得力并著左宗棠查明具奏將此由五百里諭令知之欽此

奏稿卷三

查明乍浦副都統闔門殉難情形摺

同治元年十二月二十八日

奏爲遵

旨查明乍浦副都統在杭城陣亡闔門殉難情形懇

恩賜卹恭摺仰祈

聖鑒事竊本年三月二十七日奉

上諭薛煥奏訪聞杭城殉難各員情形等語副都統傑純確已死難屍骸均無可查各情薛煥是否所聞確實著交左宗棠詳細查明迅速分別請卹等因欽此臣聞傑純爲人忠直壯烈出於性生前咸豐十年三月杭城已陷旋即克復實傑純力戰之功其時傑純長子訥蘇鏗死於陣前傑純未嘗回顧也解嚴後日以練兵習

奏稿卷三

奏

戰爲事六月十月兩次力捍危城厥功亦偉十一年九月大股逆賊復圍杭城紹興又陷糧乏援絕至十一月二十八日省城失守十二月初一日未刻駐防之城始隨之而陷昨嚴郡克復後杭城避難士民有陸續逃來者臣復詳加訪問據稱十一年九月二十四日城外岳墳之戰二十六七日城外六橋之戰十一月初二日鳳山門之戰皆傑純血戰之功其時外間傳聞杭城屢獲勝仗者以此而六橋一戰斃賊尤多二十八日辰刻杭城陷時傑純退守內城已知事無可爲猶縱橫血戰不已迨十二月初一日未刻內城陷傑純始麾其次子固魯鏗出城自與賊巷戰於花市營左肩右骹均爲槍礮所洞力竭捐軀闔室舉火自焚據固魯鏗所稟

伊父傑純殉難情形與臣所聞相符臣痛其死事之狀與疊次血戰之功當時未得詳諸奏牘深恐史臣無從紀述或致忠烈之實掩抑不彰謹據實縷陳伏懇

皇上天恩將杭州殉難乍浦副都統傑純
敕部照都統例從優議卹

予諡并宣付史館詳摭事實立傳表揚以昭忠節傑純屢次力捍杭城士民言之猶有餘痛應請

旨准其於杭州乍浦建立專祠以順輿情其長子前次殉節之訥蘇鏗及此次同殉之子婦鈕呼嚕氏赫舍哩氏孫男六品藍翎匠役崇綸步甲崇勛再勝孫女庚辰辰姑僕洪邦興僕婦吳氏王氏楊氏婢女增祿桂香等共十三人可否懇

奏稿卷三

三

恩旌卹并附入傑純專祠之處伏候

聖裁其次子固魯鏗係江蘇補用直隸州知州聞見赴京師可否
交部帶領引

見出自

天恩所有查明副都統傑純在杭州陣亡暨闔門殉難請

旨賜卹各緣由恭摺具奏伏乞

皇上聖鑒施行謹 奏

同治二年正月十三日內閣奉

上諭左宗棠奏遵旨查明副都統陣亡并闔門殉難情形懇恩賜

卹一摺乍浦副都統傑純於咸豐十年三月浙江杭州省城失陷後殺賊血戰伊長子訥蘇鏗死於陣前數日內省城藉以克復解嚴後日以練兵習戰爲事六月十月兩次力保危城十一年九月以來岳墳六橋鳳山門等處之戰屢獲勝仗皆該副都統血戰之功十一月二十八日因糧盡援絕杭城復陷傑純猶退守內城縱橫血戰迨內城又陷復與賊巷戰於花市營力竭捐軀并闔室舉火自焚忠烈一門可嘉可憫傑純著加恩照都統例從優議卹准其子諡諡果毅并將死事情形宣付史館於杭州乍浦建立專祠伊長子訥蘇鏗子婦鈕呼嚕氏赫舍哩氏孫六品藍翎匠役崇綸步甲崇勛再勝孫女庚姑辰姑僕洪邦興僕婦吳氏王氏楊氏婢女

奏稿卷三

奏

增祿桂香均著分別旌卹并附入傑純專祠伊次子江蘇補用直隸州知州固魯鏗著該部帶領引見以示篤念忠盡至意欽此

請將殉難知縣

賜卹片

同治元年十二月二十八日

再署仁和縣知縣吳保豐係河南開封府祥符縣舉人分發到浙咸豐十年十月署仁和縣事十一年九月杭省被圍隨同守城十一月二十八日城陷時該員衣冠乘馬與賊巷戰在板兒巷地方中槍墜馬罵賊不屈遇害家丁李升潛爲收葬乘間逃出在福建呈報經福建撫臣轉咨前來臣訪悉該員平日居官廉謹死事最烈仰懇

天恩准將知州銜署仁和縣知縣吳保豐照知州例

俯准賜卹入祀杭州昭忠祠以慰忠魂伏乞

聖鑒施行謹 奏

奏稿卷三

三

同治二年正月十三日內閣奉

上諭左宗棠奏請將殉難知縣賜卹等語浙江署仁和縣知縣吳保豐於咸豐十一年閒杭州省城被圍時隨同守城城陷後與賊巷戰中槍墜馬罵賊不屈遇害殊堪憫惻知州銜署仁和縣知縣吳保豐著照知州例交部議卹并准其入祀杭州昭忠祠以慰忠魂該部知道欽此

請將陣亡參將

賜卹片

同治元年十二月二十八日

再臣軍見進壽昌蘭谿延訪士民從前軍務得失據蘭谿紳士僉稱上年四月初間壽昌失守時前撫臣王有齡派參將王浮龍帶奮武軍一千名赴蘭谿防堵仍歸張玉良節制張玉良將該參將之兵分爲三起以三百守蘭城以三百守界址嶺只畱四百名交王浮龍帶駐小方嶺以扼壽昌之衝至二十三日蘭谿失守張玉良之兵先退嚴州王浮龍腹背受敵仍率數百人會同團練麇戰於小方嶺屢次殺賊至五月初五日賊眾蠶聚勇團俱潰王浮龍猶縱橫血戰不退一步卒以眾寡不敵力竭捐軀其時蘭谿河西百姓全未遷移幸王浮龍以孤軍捍禦十餘日之久居民奔避他鄉不死於賊手上年蘭谿團練與張玉良兵勇構釁自相戕殺惟王浮龍所部獨與百姓相安百姓見其號衣腰牌無不互相救護其感人之深又如此惜其先未能以專任而盡其長繼以分兵而孤其勢卒致身殉爲可哀也其死事情形前撫臣未及奏報孤忠偉節掩抑堪傷查該參將王浮龍係直隸宣化府人由武進士出身曾以援剿甯國衢州屢著戰績擢至參將應懇

天恩准將參將王浮龍照參將陣亡例

賜卹以慰忠魂是否有當伏乞

聖鑒訓示施行謹 奏

議政王軍機大臣奉

旨王浮龍著照參將陣亡例交部議卹欽此

奏稿卷三

空

查明失事可原各員懇請免罪畱營摺

同治元年十二月二十八日

奏爲查辦失事守土人員擬將官聲素好情節可原各員開單請旨仰祈

聖鑒事竊浙省自咸豐十年十一年以來羣賊蟻聚各州縣紛紛告陷失事各地方官疊奉

諭旨嚴行查辦臣入浙以來細心訪察凡失事各員委員看管擬逐一查訊分別定擬斷不任其巧爲趨避復查咸豐六年二月欽奉

上諭嗣後失守城池各員仍著照本例定擬罪名必實係遇賊接仗身受重傷或眞能督率兵勇隨同克復城池情節實有可原者方准奏明請旨等因欽此十一年十月奉

奏稿卷三

奎

上諭嗣後各路統兵大臣各直省督撫於地方失事人員均著照例核辦非素得民心及實能奮勇殺賊者概不准率請畱營效力等因欽此此次浙江失事人員其聞警先逃棄城不守者自當嚴爲核辦以昭儆戒惟是浙江各郡縣多遭淪陷守土各員中亦實有官聲素好禦賊受傷及到任未久隨同克復地方情節可原者若概予嚴議既無以昭明罰救法之公而人才實難亦無以收宥過策功之效況新復之地在在需材得一熟悉地利民情之員以供差委較之新進者尤爲有益謹擬於失事各州縣中擇其情節尤有可原者五員詳陳事實繕具清單可否仰懇

皇上天恩准將開單各員革職免其治罪畱營差委之處出自
鴻施理合恭摺具奏伏乞

皇上聖鑒訓示謹 奏

謹將查明失守各員內情節可原各銜名事由繕具清單恭呈
御覽

補用知府候補同知署諸暨縣事甯海縣知縣許瑤光

查該員在浙多年歷任均著賢聲上年在諸暨任內九月初五日
賊由浦江竄撲縣城該員帶團守城二十餘日屢獲勝仗旋因賊
繞越諸暨突陷蕭山官兵退保杭州賊復分股回撲諸暨二十六
日城陷該員帶勇巷戰頭額頰項共受重傷七處百姓搶護得生

奏稿卷三

奎

臣稔其賢調赴營中醫治驗視傷痕宛然見在軍中幫辦營務

代理海甯州事海甯州州判宋昭綸

查該員於上年杭省被陷之後八日猶力守孤城以待援師卒以
力竭被賊於十二月初五日攻陷該員左肩及腰肋均被槍矛中
傷登時暈絕賊棄擲城外百姓昇歸將養得蘇該員平日官聲素
好其由州判代理海甯州事亦由士民稟保所致

奉化縣知縣徐傳冕

查該員由部選到浙於上年十月十六日接印縣城卽於二十四
日失守該員到任未及十日倉卒被陷非意所及人自樸謹堪以
造就見在甯波軍營

補用同知代理平湖縣事汪元祥

查咸豐十一年三月海鹽乍浦俱失時該員力守數月屢挫兇鋒五月閒會同江蘇之金山奉賢華亭各縣民團與賊打仗曾經江蘇撫臣奏報有案旋因四面皆賊遂致失守該員平日官聲甚好深得民心

升用同知餘姚縣知縣陶雲升

查該員平日官聲甚好人亦正派上年十月縣城失守見在隨同收復功過尙可相抵

同治二年正月十三日內閣奉

上諭左宗棠奏查明失守城池之情節可原各員開單懇請免罪

奏稿卷三

寄

畱營一摺咸豐十年十一年閒賊匪竄擾浙省署諸暨縣知縣許瑤光等失陷各城例有應得之罪惟據該撫聲稱各該員或到任未及數日倉卒被陷或平日官聲素好臨時殺賊受傷或事後隨同收復城池雖罪有應得而情尙可原與聞警先逃棄城不守者究屬有閒所有單開之補用知府候補同知署諸暨縣甯海縣知縣許瑤光代理海甯州知州海甯州州判宋昭綸奉化縣知縣徐傳冕補用同知代理平湖縣知縣汪元祥升用同知餘姚縣知縣陶雲升均著革職免其治罪准其畱營差委該部知道單併發欽此

懇准已革總兵雷營差遣片

同治元年十二月二十八日

再已革記名總兵羅大春上年杭城失陷奉

旨革職交臣提訊該革員於今年二月到衢業經具奏在案伏查該革員於道光二十九年隨征粵西疊次打仗出力洊擢總兵上年六月克復嚴州戰功亦著繼因各軍潰退該革員固守嚴州八十餘日糧盡被陷始率所部進援杭城迨杭城事急總兵況文榜受傷上年十一月二十六日前撫臣始檄該革員接統其軍時距杭城之陷僅二日耳以爲法受過而論固屬法無可寬以原情定制而言實則情有可恕昨據嚴州士民稟請該革員雷帶團練臣察其情詞極爲真切查該革員年青力壯膽技尙優若遂照例擬以發遣甚屬可惜可否仰懇天恩准將已革總兵羅大春暫行雷營差遣由臣隨時訓督以觀其能如再不知愧厲自當奏請從重治罪斷不敢稍事姑容自蹈欺罔之咎理合附片具陳伏乞

聖鑒訓示施行謹 奏

同治二年正月十三日內閣奉

上諭前因杭城失陷當經降旨將守城總兵羅大春革職交左宗棠提訊茲據奏稱該革員於道光年間隨征粵西打仗出力上年克復嚴州戰功亦著迨嚴州以糧盡被陷經前任浙江巡撫調援杭州接統況文榜之軍該革員到杭城時距城陷僅止二日一切

不及布置情有可原業經該撫查明并據嚴州士民稟請畱帶團練懇暫畱營差遣各等語已革總兵羅大春著加恩准其暫畱左宗棠軍營差遣以觀後效倘再不知愧奮卽著嚴參從重治罪欽此

奏稿卷三

奏

